

era *solum* 50 todeschi; tutto il resto, italiani. *Item*, è stà retenuto cari, carete et cavalli. *Item*, il cardinal Santa †, legato, è a Yspurch. In conclusion, si parla *omnino* il re ditto verà in Italia.

Da Milam. Zercha avisi di sguizari, qualli saranno col *roy*.

Da Corphù, di sier Zuan Zantani et sier Priamo Contarini, rectori. Avisi di quelle cosse; 0 da conto; et non fo lete.

Dil provedador Contarini di l'armada, di Corfù. Zercha li do homeni di la galia Mora, qual al Zonchio fono retenuti et mandati a Modon. Et quel agà scrive una letera al ditto soracomito, digandoli vilania, *ut in litteris*. Et esso sopracomito li rispose gajardamente, *tandem* ave li homeni. *Item*, nove di Sophi, come si dice è ritrato contra de Alidulli.

Da Constantinopoli, di sier Lunardo Bembo, baylo, di 18 novembro le ultime. Di successi; 0 da conto; e aver fato retener uno Zuan, hongaro, qual fo quello menò le fuste di Malta in colfo, o ver di Porto Venere. Et altri successi; et di Sofi pocho.

Fu posto, per li consieri, certa taja a quelli hanno robà il monte di la pielà di Piove di Sacho, di li danari di quelli di Piove. Presa, zoè chi acuserano quelli l'hano robato.

Fu posto per li savij et quelli sora i cotimi di Damasco, che, *de cætero*, de li contrabandi si parta in 5 parte, *ut in parte*; non se li possi far gratia, *sub pœna*. Et fu presa.

Fu posto, per sier Hironimo Valier et sier Hironimo Venier, savij sora le pompè di le done, certa limitation a le manege di le veste e visture *etc.*, *ut in parte*. A l'incontro sier Hironimo Pizamanò, suo collega, messe star sul preso; e non si possi far gratia a quelli contrafarà sotto gran pena; et se mandì li debitori di dito officio ogni XV zorni a palazzo, e non si possi mudar sisa *etc.*, *ut in parte*, si non per li 4 quinti dil consejo di pregadi, con molte clausule e gran naration. Et senza altra disputation andò le do parte: 54 de li do, 120 dil Pizamano. Et questa fu presa.

Fo fato scurtinio di uno savio dil consejo, in luogo di sier Pollo Barbo, procurator, da poi intrado havia refudà, sier Marco Bolani, fo savio dil consejo; sotto, sier Zorzi Emo, è provedador zeneral, 19 balote; meglio fo di altri do era con titolo; savio di terra ferma, in luogo di sier Zacaria Contarini, cavalier, non intrò, sier Marco Dandolo, dotor et cavalier, fo savio a terra ferma; e tutti do introno.

A dì 5. Fo consejo di X. Cao di X, loco sier Nicolò di Prioli, amalato, sier Baptista Morexini.

A dì 6, fo el dì di la Epiphania. Fo il perdon al Spirito Santo, dura zorni 8. Vene merchadanti in terra di le galie di Baruto, qual è in Histria, tra i qual sier Piero Polani, patron. Ditte galie à fatto ben il cargo, noterò di soto, in tutto colli . . .

A dì 7. Da poi disnar 0 fu.

A dì 8. Fo pregadi. Et leto le infrascripte letere. Et prima:

Di Roma. Come el papa havia cantà la messa, et il cardinal Corner ditto lo evanzelio, el zorno di Nadal. *Item*, il papa à mandato a donar la spa' e la bareta al ducha di Savoja, solita dar a uno principe in tal zorno. *Item*, di l'abazia di Cereto, qual per la Signoria fo data al cardinal Corner, par l'orator nostro sij stato dal papa, el qual non vol darla, ma la vol dar a suo nepote, cardinal San Piero in Vincula *etc.*

Di Milam. Zercha sguizari, et quelli successi.

Di Franza, di l'orator, da Roam. Come si partiva il cardinal et lui subito, per ritornar a Bles, dove è il re. Et alia secretiora.

Di Roverè, Riva, Brexa et Verona, e dil provedador Emo, zeneral, ch'è a Verona. In conformità. Avisi auti da più bande et reporti di exploratori. Et chome a dì 6 si aspetava a Bolzam zonzesse il re, dove si fa la dieta, e tutti erano reduti. *Item*, a Trento è zonto di novo 500 cavalli et 300 fanti. *Item*, altre zente tirate verso il Friul. *Conclusive*, il re vol venir in Italia *etc.* *Item*, hanno remandato exploratori, se intenderà il successo.

Di Corphù, dil provedador di l'armada. Lauda molto sier Marco Loredan, capitano di le galie di Baruto, si à portà ben contra quelle barze di Piero Navaro, e recuperar le charavelle erano prese. *Item*, nove di Sophi, è ritrato alquanto.

Fu posto per li savij, d'acordo, armar per l'anno futuro in questa terra 12 galie, *videlicet* 6 per mexi 6, 2 con refusura, et 4 bastarde; et sia electo per scurtinio im pregadi el capitano di ditte galie bastarde, con li modi è il capitano fuora di ditte galie; e il provedador di l'arma electo meti bancho a dì 2 fevrer, e si vadi armando. *Etiam* si armi 4 galie in Candia. Fu presa.

Fu leto una parte, per li savij ai ordeni, voleano meter di far X sopracomiti, a do per volta, per gran consejo. Non fo balotà.

Fu posto, per li savij, elezer quelli tre savij sopra le stime di le chaxe, qualli, non venendo im pregadi, possino venir fin San Michiel *etc.* A l'incontro